



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. II. Quinam in specie judicandi sint filij illegitimi?

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

por esse matrimonium ob impedimentum dirimens, quorum aliqui dicuntur etiam ex damnato coitu geniti, qui nati scilicet fuerunt, ex copula, quæ à jure civili etiam punitur; alii spurij simpliciter dicuntur, nati scilicet ex copula quidem illicita, cui tamen à jure Civili nulla pœna posita est, prout sunt nati ex conjugato v. g. & concubina, aut soluta.

§. II.

Quinam in specie judicandi sint filij legitimi?

EX c. Cum inter 2. h. 2. habetur, quòd filij ex parentibus nati, qui publicè in facie Ecclesiæ (præmissis scilicet denuntiationibus, coram Parocho & testibus) ac sine contradictione, bonâ fide utriusque, vel saltem alterutrius, matrimonium contraxerunt, quamvis postmodum ob impedimentum cognitum, nullum fuisse illorum matrimonium, per sententiam declaretur, & ipsi sibi mutuo cohabitare non permittantur, legitimi sint, si ante talem sententiam concepti, vel nati fuerint; quia in commodum ac favorem talium liberorum, & in honorem publicè ac in facie Ecclesiæ, bonâ fide, contractarum nuptiarum, legitima proles talis habetur, ex Ecclesiæ constitutione, prout etiam habetur c. final. §. Si quis. de clandest. despon. junctâ Glossâ V. si ambo Parentes.

Ex c. Perlatum 8. h. 2. habetur, quòd illi etiam filij pro legitimis habendi sint, qui post probatum impedimentum dirimens, & separationem ab Ecclesiâ factam, cum licentia ad alia vota transfundi, ex alio matrimonio, ad cujus

copulam auctoritate Ecclesiæ transiit v. g. uxor, geniti sunt; quamvis proinde, ex quo sententia lata fuit, etiam ordinis non servati, & neglectarum solemnitarum ad processum Judicium requisitarum, nullus fuerit, tamen pendentem à processu valido, aut vobis in favorem liberorum hoc statum iudicis,

Ex c. Quod nobis 9. habetur, quòd legitimi etiam illi habeantur, qui ex matrimonio quidem clandestino, quòd publicè tamen per Ecclesiæ auctoritatem approbatum & publicatum est, sanctum, quòd approbatio ab Ecclesiâ postmodum interveniens retrotrahitur, ac si ab initio adfuisset, in favorem filiorum prole de matrimonij) etiam si postmodum de facto impedimento separaverint, & vicem tales conjuges.

Ex c. Gaudemus 15. h. 2. habetur, quòd infidelium filij, quamvis in secundo aut quarto gradu matrimonium contraxerint, post fidem receptam, legitimi censendi sint, publicâ utilitate hoc cedente, cum in tali casu nec impedimentum juris naturæ matrimonij obstat, nec juris Ecclesiæ honestatis teneantur, si in sua auctoritate constituti, contrahant.

§. III.

Quinam in specie reputandi sint filij illegitimi?

EX c. Referente 10. h. 2. habetur, quòd illegitimi sunt, qui ex matrimonio nati sunt, cum impedimento publicæ honestatis, contractæ; impedimentum enim publicæ honestatis impedimentum